

Gadataidi

inänite Pabodo nänö cadota ante yewæmongainta

Gadataidi inänite Pabodo, Waa quëwëedäni, angampa

1 ¹ Botö Pabodobo inömo inte, Minitö acæminimpa, ante yewæmömopa. Mæmpo Wængongui incæ Itota Codito ingante, Nāni ömæmoe, angä nāni ömæmongacäimpa. Mæmpocä iñömö Itota Codito tönö guëa cædinque botö imote da godonga gotabopa. Ininque botö dicæ waodänique änāni ëñente gotabogaa. Botö imote edæ dicæ waocanque da godongä gotabogaa. ² Minitö Gadatiabæ wayömö wacabo wayömö wacabo quëwëmini inte Codito ingante mini godongämæ pönencabo inömini inte edæ ëñencæminimpa, ante mönitö möni pönencabo tömämöni iïmaï ante apænemönipa.

³ Wængongui mönö Mæmpo tönö mönö Awënë Itota Codito godongämæ pönö waadete cæda ate minitö gänë pönente waa quëwencæminimpa, ämönipa. ⁴ Adocä mönö Mæmpo Wængongui iñömö, Minitö pedænguipogaque wïwa cæte mini wæwëñömö edæ abæ tawænte ponte bai botö gämænö ponte quëwëedäni, angampa. Ininque, Wængongui nänö angainö bai cæcæminimpa, ante cædinque mönö Awënë Itota Codito mönö imonte ö æncæte ante cægacäimpa. Mini wënæ wënæ cæpämö mongæncæboimpa, ante tömengä nämä wepæ pædæ godonte bai cædinque pönö ængä beyænque mönö wæætë quëwëmompä. ⁵ Edæ pedænguipoga iñonte miïnguipoga bayonte edæ,

Mänömaï bacæimpa, ante në angaingä inongä inte mönö Mæmpo Wængongui iñömö edæ cöwë nāö apäite bai waëmö pönö ëmönongä ingänö anguënë. Mänömaï impa, ante botö, Amëë, ämopa.

Codito ingantedö ante watapæ ëñengäimpa

⁶ Minitö iñömö æbämë pönö cæmini awædö. Mönö Codito waadete pönö cæcä beyænque minitö Wængongui äñecä pöminitawo. Nöwo guiquënë në äñecä iñongante quimæ panguimæ gominii. Wadäni, Quëwenguï taadö wadö inompa, ante tededäni ëñëninque minitö do Ao änewëmini awædö.

⁷ Iñæmpa wadö incæ wïi quëwenguinö inompa. Wæætë edæ, Minitö oda cæcæminimpa, ante cædinque wadäni pancadäniya, Codito ingantedö ante watapæ möni apænedö ante edæ, Idi quibæ bacæimpa, ante cædäni apa ëñëwëminii.

⁸ Mönitö Codito ingantedö ante watapæ apænemöni ëñëminitapa. Incæte mönitö adomöni incæ wadö ante apænemöni bai Wængongui wæætë pönö piïnte apænte angä wæquimönidö anguënë. Ayæ adobai Wængongui anquedo incæ öönæde owodique wææ pöninque wadö ante apænecä bai Wængongui tömengä ingante wæætë godö piïnte apænte angä wæquingänö anguënë. ⁹ Edæ doyedë möni äninö bai botö nōwo wæætë adodö ante ämopa. Codito ingantedö ante watapæ apænemöni ëñëninque minitö Ao äminitawo. Ininque mäninö ante æcæmenque pönënämaï inte wadö

ante apæneca ēñēninque Wængongui
tömengä ingante wæætē godō piinte
apænte angä wæquingänō anguēnē.

¹⁰Botō dicæ, Minitō waomīnique
botō imote Ao ancæminimpa, ante
apænebogaa. Wængonguinque, Ao
ancæcäimpa, ante apænebo aedāni. Ayæ,
Waomīnique tocæminimpa, ante dicæ
cæbogaa. Waomīnique tocæminimpa,
ante cæbo inte bai edæ Codito ingante
nē cædōmo ināmai incædōmoimpa.

**Pabodo Wængonguinque da
godongä gotabopa, angampa**

¹¹Botō tōniñamini ēñēedāni. Codito
ingantedō ante watapæ botō apænedō
iñōmō edæ wīi waodānique nāni mā
pōnengainō impa, ante ämo ēñēedāni.

¹²Mānīnō ante waocanque dicæ
pōnō apæneca ēñente æntabogaa.
Waocanque dicæ odōmonte apæneca
ēñēninque apænetabogaa. Wæætē Itota
Codito edonque odōmonte apæneca
ēñēninque botō nē ämo inte adodō ante
apænebopa.

¹³Oodeobo inōmō inte botō iñōmō
edæ möni oodeocabo pōnengainō ante
wēēñēdē māniñonque ante ēñēninque
quēwengaboī aedāni. Botō māniñedē
edæ Codito ingante nāni godongāmæ
pōnencabo inānite wido cæcæte ante
cædinque anca togænte edæ nanguī
pōnī pämo wægadānimpa, ante do
ēñēmīnipa. ¹⁴Ayæ botō tōnō guæ
pægaināni incæ nanguī ināni guiquēnē
möni oodeocabo möni ēñengainō ante
wædænque ēñente cæyōnāni botō
iñōmō godōmenque nanguī pōnī ēñente
cægaboimpa. Edæ mönitō mæmæidi
nāni odōmonte angainō ante botō,
Mōnō Ao ante adodō ēñente cæte
quēwengæimpa, ante nanguī cæbo
ingaboimpa.

¹⁵Incæte botō badä cæncadē
ongōñōmote Wængongui, Botō beyæ
cæcæbiimpa, äninque edæ māniñedē
botō imote apænte ængaingä inte
ñōwo botō imote pōnō waadedinque
añecantapa. Ayæ ñōwo pōnī tömengä
nāmā nānō pōnēnō ante cæte todinque

edæ, ¹⁶botō imote pōnō angantapa.
Bitō oodeoidi ināmai ināni inānite
apænebi ēñēninque tömēnāni botō
Wengä ingante edonque ate bai
ëwocacædānimpa, ante täno botō
imote edonque odōmongä adinque botō
tömengä Wengä ingante do ëwocabo
inte apænebo ēñēnānitapa. Ininque botō
waocä ingante, Æbänō cæquimoo, ante
edæ änāmai intabopa. ¹⁷Botō imote da
godongä ate botō Codito täno nānō nē
da godongaināni inānite apæneceate
ante Eedotadēē iñōmō ädāmai intabopa.
Wæætē edæ wadæ godinque botō
wayōmō Adabiabæ do godinque ayæ ate
Daāmaco iñōmō ocæ ëmænte gotabopa.

¹⁸Ayæ wadepo mēnepoga go
adodepoque iinque go ate botō Pegodo
weca mä ëñacæte ante Eedotadēē
æidinque mēa Wængongui itadē
tömengä weca quēwentabopa. ¹⁹Ayæ
wadāni Itota nānō nē da godongaināni
iñōnānite botō adocanque ingante
mōnō Awēnē Itota biwī Tantiago
ingante adinque wadāni inānite adāmai
intabopa. ²⁰Mānōmainō ante botō
Wængongui ayongä babæ änāmai inte
nāwangä ante yewæmōmo aedāni.

²¹Mānīi gote ëñate ate botō Tidiabæ
godinque godōmenque Tiditiabæ
gotabopa. ²²Ininque Oodeabæ quēwente
Codito ingante nāni godongāmæ
pōnencabo mönō Codito nempo nē
quēwēnāni iñōmō botō awinca cōwē
adāmai ināni inte önōwēnenque
pōnengadānimpa. ²³Tömēnāni
iñōmō iīmaiñō ante önōmoncaque
ēñengadānimpa. “Wēēñēdē mönō
imonte nē togænte pangaingä iñōmō
mōnō pōnente quēwenguīne ante,
Mānīne ante wido cæcæiimpa, angantawo.
Ñōwo guiquēnē tömengä, Wido cæquīne,
ante nānō angaine incæ adode ante
edæ watapæ apæneca ēñēnānipa,” ante
tededāni ēñengadānimpa. ²⁴Ininque,
Pabodo ñōwo waa cæcampa, ante
adinque tömēnāni Wængongui ingante
apænedinque, Bitō wæmō pōnī ëmōnōmi
inte nē waa cæbi iimpa, ante watapæ
apænegadānimpa.

**Itota nänö nē da godongaïnāni
Pabodo ingante Ao ānāni**

2 ¹Ayæ māniī pō godinque iincayæ ate catodote wadepo go ate botō Bedēnabee tönō Eedotadēē iñömō adodō æidinque Tito ingante māomōna gocantapa. ²Wængonguī do botō iimote apænete bai edonque odōmongā adinque botō Eedotadēē iñömō æidinque iīmaī ante apænētābopa. Botō iñömō oodeoidi iñāmaī iñāni weca godinque, Codito ingantedō ante cōwē watapæ apānebopa, ante botō ñænænānique iñānte awēmō apānebo ēñēnānitapa. Mānōmaī cædinque botō, Æbānō cæboī, ante adodō adodō ante apānebo ēñēninque tōmēnāni pīñāmaī incædānimpā, ante cætābopa.

³Ayæ, Botō tönō guæa pōningā Tito ingante adinque pancadāniya, Iingā iñömō Guidiego iñongā iñongante āmīni ēō togæncædānimpā, ante pīinte ānāni incæte nē ānāni guiquēnē, Eō togæedāni, ante ānāmaī iñānitapa. ⁴Eō togængæimpā, ante nē pīinte ānāni nāni wææ angaiñō ante mōnitō iñömō Codito Itota gā pe æmpote æængā beyænque abæ tawænte ee gote bai quēwēmōnīpa. Mānōmaī iñōmonte pancadāniya, Æbānō quēwēnāniī, ante edæ awēmō acæte ante cædinque edæ, Mōnō caipæ iimōmpā, ante bai babæ cædinque mōnitō weca pōnāni wætāmōnīpa. Ayæ edæ mōnitō tōmēnāni nāni wææ ānō beyænque nē cæte quēwēmōni bacāmōnīpa, ante cædinque tōmēnāni godōmenque, Cædāni cædāni, ante wææ ānewēnāni wætāmōnīpa. ⁵Incæte edæ, Mōnō Codito ingantedō ante watapæ mōni apānedō nāwangā ante impā, ante mīnitō oda cædāmaī incāmīnimpā, ante wææ cædinque mōnitō wantæ iñō incæ nē wææ ānewēnāni iñānite ēñente cædāmaī intāmōnīpa.

⁶Ñænænāni iñānīpa, ante wadāni nāni nē waa adōnāni iñömō æbāmē ēmōnāniī, ante botō iñömō edæ wædāmaī iimōpa. Edæ Wængonguī incæ waocā ingante apænte acæte ante cædinque adāmaī

ingampa. Mīmōnoque acampa. Iñinque botō idæwaa apānebo ate iñāni incæ ædō cæte godōmenque apānequināni. ⁷Iñæmpā iñāni incæ edæ do ēñēnānitapa. Pegodo ingante mōnō Awēnē incæ pōnō angā ate tōmengā oodeoidi iñānite mōnō Awēnē ingantedō ante nē watapæ apānecā ingampa. Botō iimote adobāi mōnō Awēnē incæ pōnō angā ate botō wæætē oodeoidi iñāmaī iñāni iñānite nē apānebo iimōpa. Iñinque botō mānōmainō ante apānebo ate nē ānāni iñömō, Pegodo cæcā bai Pabodo adobāi cæcampa, ante do ēñēnānitapa. ⁸Pegodo oodeoidi weca gote cæyongante Wængonguī tōmengā tönō godongāmæ cæcā bai botō guiquēnē oodeoidi iñāmaī iñāni weca edæ gote cæyōmote adocā incæ botō tönō adobāi edæ godongāmæ cæcampa, ante do ēñēnānitapa.

⁹Tantiago, Pegodo, Wāō iñömō nē tæī ēmōnāni iñānīpa, ante adinque wadāni, Gōnōniwæ onguitanca bai iñānīpa, ante apānedānīpa. Iñinque botō apānebo ēñēninque mānīnāni, Onguitancaidi, nāni ānāni iñömō edæ, Pabodo ingante Wængonguī mānōmaī pōnō waadete cæcampa, ante adinque botō iimote ayæ Bedēnabee ingante, Mōnitō tōniñāmīna iimōnāpa, ante tōmēmæ iñō pædæ pompote bæi ongompodānitapa. Ayæ, Mōnitō oodeoidi weca gote apāneyōmōni mīnitō wæætē oodeoidi iñāmaī iñāni weca gote apānecāmīnimpā, ante godongāmæ Ao ānānitapa. ¹⁰Ayæ, Mīnitō nē ōmaadāni inte wædāni iñānite ante cōwē pōnēninque waa cæcāmīnimpā, āninque mānīnque ante wææ ānānitapa. Mānīnō nāni ānīnō incæ botō cōwē pōnēninque edæ nanguī cæinente wæbo intābopa.

**Pegodo ingante Pabodo
angā wæcampa**

¹¹Ayæ Pegodo Antioquiya iñömō pōninque wiī nō cæcā adinque botō tōmengā awinca waa adinque, Bitō pante wæquinque wēnæ wēnæ cæbi iimīpa, āmo wæcantapa. ¹²Iīmaī edæ

Pegodo cæcä inongäimpa. Tæcæ Antioquiya pöninque tömengä oodeoidi inämaï inäni weca wæætë wæætë pö guii pö guii ongöinque godongämæ cænongäimpa. Incæte Tantiago nänö da pönöninäni pönäni ate Pegodo iñömö edæ, Mönö ëö togængäimpa, ante nê änonäni pïinäni wæcæ wæ, ante guiiñnongä inte edæ oodeoidi inämaï inäni weca ñöwo cænämaï inte edæ gomonga gote cænongäimpa. ¹³Mänömaï wadonque cædingä inte ñöwo wadonque cæyongante tömengä tönö oodeoidi tömänäni wadonque cæðinäni inte edæ ñöwo wæætë wadonque cæðänipa, ante adinque Bedënabee incæ oda cæte wapiticæ cæcantapa.

¹⁴Ïinque edæ Codito ingantedö ante watapæ mönö ëñënö nö pönï i incæte tömënäni nö cæðämaï inte wapiticæ cæðänipa, ante adinque botö tömänäni ayönäni edæ Pegodo ingante iïmaï ante ämo wæcantapa. “Bitö iñömö oodeobi inömi inte edæ oodeo inämaï inäni bai ñimpo cæte quëwëninque edæ wïi oodeoidi näni wææ angainö ante ëñente quëwëmipa. Incæte bitö, Oodeo inämaï inäni incæ oodeoidi näni wææ angainö ante ëñente quëwëncæðänimpa, ante quimæ wææ änewëmii,” ämo wæcantapa.

Mönö pönënö beyænque mönö tömämö quëwëmompa

¹⁵Oodeoidi inämaï inäni näni ëñënämaï quëwëncabo bai inämaï imöni inte mönitö iñömö edæ oodeomöni nê ëñagaimöni imönipa. ¹⁶Incæte edæ iïmaï ante do ëñëmönipa. Iïmaï cæedäni, ante Möitee wodi nänö wææ angainö ante ëñente cæcä beyænque waocä dicæ Wængongui ayongä edæ nö cæcä baquingä. Wæætë Itota Codito ingante wede nänö pönënö beyænque waocä nö cæcä bacampa, ante mönitö do ëñëmönipa. Ïinque, Waocä æcämenque incæ mäninö Möitee wodi nänö wææ angainö ante tömengä nänö ëñente cæðö beyænque edæ nö cæcä badämaï incæcäimpa, ante do ëñëmöni inte

mönitö adobai, Ædö cæte mäninö beyænque nö cæmöni baquimönii, ante ëñëmönipa. Wæætë, Codito ingante möni wede pönënö beyænque nö cæmöni bacæte ante mönitö adobai tömengä ingante wede pönëmönipa.

¹⁷Ïinque mönitö oodeoidi imöni iñömö, Mönö Codito nempo quëwëninque Wængongui ayongä mönö nö cæmö bacæimpa, ante cæmönipa. Mänömainö ante cæðinque mönitö nê wënæ wënæ cæmöni inte wæmöni incæte dicæ Codito angä beyæ wënæ wënæ cætämöniyaa. ¹⁸Mäninö Möitee wodi nänö wææ angainö ante ëñente cæte quëwëngäimpa, ante botö pönengainö ante do wido cægaboimpa. Mänömainö ante botö pönengainö ante nê wido cægaimo inte botö ædö cæte wæætë adodö ænte bai cæðinque, Mäninö ante ëñente mönö quëwëngäimpa, ante anguimoo. Mänömainö ante ämo inte bai botö Wængongui nänö wææ angainö ante edæ nê ëñënämaï imo bacæðömoimpa. ¹⁹Edæ, Wængongui nänö wææ angainö ante ædö cæte tömänö ante ëñente cæquimoo, ante botö wæðö beyænque nê wæwocaimo bagaboimpa. Ïinque botö nê wæwocagaimo inömo inte mänine ante ëñente cæcæte ante quinante wæquimoo. Wæætë edæ Wængongui beyænque ante botö quëwënguinque imopa.

²⁰Mönö Codito ingante awäa timpodäni wæñongante botö tömengä tönö godongämæ wænte bai bagaboimpa. Ïinque botö baonga ëñate quëwëmo incæte botö wïi tömëmo quëwënguimämo ewocate quëwëmopa. Wæætë Codito nänö quëwënguimämo ewocate quëwëmopa. Ïinque adocä Codito Wængongui Wengä botö imote waadete pönëninque nämä tömengä wepæ ante, Wængongui qui, ante botö beyæ pæðæ godongä adinque botö baö ëñate quëwëninque tömengä ingante wede pönëninque quëwëmopa. ²¹Ïinque, Iïmaï cæedäni, ante Möitee wodi nänö wææ angainö ante

ēñente cædinque mǎnōmaīnō cæmō
beyænque ñā mēnongate nō entawēmō
bamō bai mōnō Codito ōnonque pōnī
wæncægacāimpa. Mǎnōmaī beyæ
Wængonguī nānō pōnō waadete cægaiñō
ante botō Ao ante ō æninque cōwē wido
cædāmaī imopa.

**Mōnō pōnēnō beyænque mōnō
quēwengæimpa, ante**

3 ¹Gadataidi ōnonque pōnī mīni
cæcabo iñōmīni inte ēñēedāni.
Æcānō wadō ante apānecā ēñēninque
mīnitō dowænte bai ōnonque
tedewēminīpa. Iñæmpa botō doyedē,
Itota ingante æbānō awāa timpodāni
wængacāi, ante botō edonque pōnī
odōmonte apānebo ēñēninque mīnitō
ōnōwēnenque ante bai do pōnēmīnitapa.
²Adodeque āmo ate apānemīni
ēñēmoedāni. Mīnitō Wængonguī
Ōnōwoca ingante æbānō cæte æmīnīi.
Mōitee wodi wææ nānō angaiñō ante
ēñente mīni cædō beyæ mīnitō tōmengā
ingante æmīnitawogaa. Wæætē edæ
mōnitō apānemōni ēñēninque wede
pōnēmīni inte æmīnitawo.

³Iñæmpa mīmō ōmædē imīni inte
ēñēnāmaī incædō. Mīnitō wēēnēñedē mā
pōnī pōnēninque Wængonguī Ōnōwoca
tōnō nē cægaimīni inte ñōwo wæætē
edæ ōmæwocamīni inte bai edæ baonga
ēñadinque nāmanque cædinque iinque
cæmīnīi. ⁴Wængonguī nanguī pōnī pōnō
cæcā caate wædinque mīnitō ōnonque
beyæ caate wæmīnitawo. Tōmengā dicæ
ōnonquedō ante cæcæte ante pōnō cæcā
wæmīniyaa. ⁵Wængonguī tōmengā
Ōnōwoca ingante da pōnōninque
mīnitō weca bamōnengæ pōnī cæcampa.
Quinante mǎnōmaī cæcāa. Edæ, Mōitee
wodi nānō wææ angaiñō ante ēñente
mīni cædō beyæ ante dicæ cæcāa.
Wæætē mōnitō apānemōni mīni ēñente
pōnēnō beyæ Wængonguī tōmengā
Ōnōwoca ingante da pōnōninque mīnitō
weca bamōnengæ pōnī pōnō cæcā
æmīnīpa.

⁶Wængonguī apānecā ēñēninque
Abadāo wodi, Nōingā ante apānecampa,

ante wede pōnengacāimpa. Iñinque
tōmengā wede nānō pōnēnō beyænque
Wængonguī, Botō ayōmo Abadāo iñōmō
nē nō cæte quēwēnongā ingampa,
angacāimpa, ante yewæmongatimpa.
⁷Mǎnōmaīnō ante adinque mīnitō
iīmaī ante ēñēedāni. Mōnō nē wede
pōnēmō iñōmō Abadāo wodi pæimō bai
adomō imopa, ante ēñente pōnēedāni.
⁸Wængonguī, Oodeoidi iñāmaī iñāni
incæ wede nāni pōnēnō beyænque
botō ayōmo edæ nē nō cæte quēwēnāni
bacædānīpa, ante badoncæcāimpa,
ante dodāni edonque adinque
Wængonguī beyæ yewæmongadānīpa.
Ayæ Abadāo wodi ingante apānedinque
tōmengā, “Botō bitō imite pōnō waa
pōnī cæbo æmi iñinque bitō beyænque
wadāni nāni cabo wadāni nāni
cabo tōmancabodāniya edæ watapæ
quēwenguīnānidō anguēñē,” ante
apānegacāimpa. Mǎnōmaī impa, ante
yewæmōninque dodāni wēēnēñedē pōnī
Wængonguī waa pōnī nānō cæquīnō
ante yewæmongadānīpa. ⁹Abadāo
wodi cōwē ædāmō cæte pōnengaingā
iñongante Wængonguī pōnō waa pōnī
cægacāimpa. Mōnō nē wede pōnēmō
iñōmonte tōmengā adobai pōnō waa
pōnī cæcā æninque mōnō iñōmō edæ
Abadāo wodi tōnō godongāmæ watapæ
quēwēmō imōnō anguēñē.

¹⁰Wæætē edæ, “Wææ ante botō
yewæmongainta adinque æcānō tōmānō
ante dicæ cæcāa tōmengā iñōmō
Wængonguī piinte angā wæwocaingā
ingānō anguēñē,” ante Mōitee wodi
incæ do yewæmongacāimpa. Iñinque
Wængonguī edæ nānō wææ angaiñō
ante waodāni, Botō ēñente cædō
beyænque quēwēncæboimpa, ante nē
ānewēnāni incæ wīi eyepæ ēñente
cædāni iñōnāni inte tōmēnāni tōmānāni
iñānite Wængonguī piinte angā
wæwocaināni iñānidō anguēñē. ¹¹Ayæ
wacā Wængonguī beyæ yewæmōninque,
“Nē nō cæte quēwēnongā incæ
tōmengā nānō wede pōnēnō beyænque
quēwēncæcāimpa,” angacāimpa. Iñinque
iīmaī ante mōnō edonque ēñengæimpa.

Möitee wodi nänö wææ angainö ante ëñente cæte beyænque waocä dicæ Wængongui ayongä nê nö cæcä badinque quëwengingä. ¹²Wængongui nänö wææ angainö ante ëñente quëwengäimpa, ante nê cædonäni iñömö tömënanäni dicæ nani wede pönënö beyæ quëwënanänyaa. Wæætë, “Mäninö ante nê ëñente cæcä iñömö tömengä nänö ëñente cædö beyænque quëwencæcäimpa,” ante Möitee wodi nänö yewæmonte angainö bai impa.

¹³Ayæ adobai, “Æcänö ingante awäa wodoncädäni a ongöna tömengä ingante Wængongui piingä wæwocaingä ingänö anguënë,” ante Möitee wodi yewæmongacäimpa. Ìninqe Wængongui nänö wææ angainö ante wii eyepæ ëñente cæmö beyæ mönö wæwocaimö inte wæyömonte mönö Codito iñömö, Abæ tawænte gote bai quëwencæminimpa, ante cædinque mönö beyæ wæætë wæwocaingä badinque edæ awäa wæninqe a ongoncäimpa. ¹⁴Abadäo wodi ingante Wængongui waa pönï pönö cægacäimpa. Ayæ, minitö oodeoidi inämai iñöminite Itota Codito pönö cæcä beyænque Abadäo tönö godongämæ watapæ quëwencæminimpa, ante Wængongui adobai pönö waa cæcampa. Mänömai bacäimpa, ante cædinque Codito tömämö imonte, Minitö wede pönëninque botö Önöwoca ingante ænte ëwocacæminimpa, ante cædinque mönö imonte æncæte ante nämä wepæ godonte ængä beyænque quëwëmompä.

Wængongui täno, Cæquimo, aninque ayæ ate wææ angacäimpa

¹⁵Botö tönñamini ëñeedäni. Botö, Waomö mönö cæi bai Wængongui mönö beyæ wodo adobai cæcampa, ante odömoncæte ante iimaï ante yewæmömo aedäni. Waoda, Mönä guëa cæcaya imönäpa, ante Ao äna ate adocanque inte ædö cæte wadö ante cæquëngä. Ayæ, Mönö godömenque cæcäimpa, ante waocä adocanque inte ædö cæte edæ ante cæquëngä. Nöwo edæ ämo

ëñeedäni. Wængongui, Mönö godongämæ cæcabo bacäimpa, ante botö pönö cæcæboimpa, angä ëñëninque mönö Ao ante cæquënenö iñömö edæ wodo adobai impa. ¹⁶Mæmæ Abadäo wodi ingante apænëdinque Wængongui, Bitö Pæingä ingante botö cöwë pönö waa cæcæboimpa, angacäimpa. Mänömai äninque tömengä Abadäo wodi ingante, “Bitö pæinani,” ante änämai ingacäimpa. Wæætë, “Bitö Pæingä ingante pönö cæcæboimpa,” äninque Abadäo wodi Pæingä adocanque Codito ingante ante pönëninque angacäimpa.

¹⁷Mänömainö ante apænëdinque botö iimaï ante odömoncæte ante apænëtabopa. Abadäo wodi ingante Wængongui, Botö pönö cæbo ate minitö Ao ämini ininque mönö godongämæ waa cæcäimpa, ante wëñëñedë cægacäimpa. Ayæ wantæpiyæ coatodo tiento todëinta wadepo go ate Möitee wodi ingante apænëdinque adocä, Iimaï cæedäni, ante pönö wææ änoncäimpa. Ìninqe Wængongui wantæpiyæ ate wææ äninque do nänö angänte ante wëä godönämai ingacäimpa. Edæ, Cöwë pönö cæcæboimpa, ante doyedë nê angaingä inte tömengä nöwo wææ äninque mänine ante dicæ wëä godongantawogaa. ¹⁸Möitee wodi nänö wææ angainö ëñente cæmö beyænque mönö ænguënencco do æmö bai Wængongui, Cöwë pönö cæcæboimpa, ante önonque ancægacäimpa. Incæte Wængongui pönö waadete cædinque mæmæ Abadäo wodi ingante apænëdinque, Cöwë pönömo æncæminimpa, ante nänö angainö bai cædinque do cægacäimpa.

¹⁹Ìninqe, Cöwë pönömo æedäni, ante nê angaingä inte Wængongui quinante nöwo wæætë, Iimaï cæedäni, ante wææ angacäi. Ìnæmpä tömengä, Minitö botö äno ante ëñënamäi cædinque wënæ wënæ mini cædinö edonque bacäimpa, ante odömoncæte ante wææ angacäimpa. Mänömai cædinque tömengä, Abadäo wodi Pæingä botö nê angaingä incæ tömengä nänö ponganca minitö ëñente

cædinque quëwencæminimpa, ante wææ angacäimpa. Mänine nänö wææ angaine ëñente cæcædänimpa, ante Wængongui tömengä anquedoidi inänite da pönongä pöninque tömënanï Möitee wodi ingante mämö odömönäni agacäimpa. Tömengä inñömö tæcæguedë ongonte bai në anguingä badinque Wængongui nänö angaine ante idægoidi inänite wæætë angä ëñengadänimpa. ²⁰Ñöwo apænebo ëñëedäni. Adocanque eyepæ cæcä adinque tömengä beyä ancæte ante wacä tæcæguedë ongönämaï imaingampa. Wængongui inñömö, Cöwë pönö cæcæboimpa, në angaingä inte adocanque incæ eyepæ cædongä ingampa.

**Ïïmaï cæedäni, ante
quïnante angacäi, ante**

²¹Ininque Wængongui, Cöwë pönö cæcæboimpa, ante në angaingä inte wantæpiyæ ate, Ïïmaï cæedäni, ante wææ äninque tömengä doyedë nänö angaine dicæ wëä godongantawogaa. Edæ tömengä mönö imonte apænedinque, Botö wææ angainö beyä quëwencæminimpa, ante mänine pönongä ænte quëwëmö bai mänine beyænque edæ në nö quëwëmö bacædömöimpa. Wæætë edæ wïi mänömaï impa. Wængongui, Cöwë pönö cæcæboimpa, angä ëñëninque mönö quëwenguinque edæ në nö cæmö bamompa. ²²Ininque Wængongui, Cöwë pönömo æncædänimpa, ante në angaingä inte Ïïmaï ante cæcampa. Botö angaincoo ante Itota Codito ingante në pönënanï inänite da pönömo ate tömënanï wede nänï pönëno beyænque ænte ëwocacædänimpa, ante Ïïmaï cæcampa. Tömengä mönö inguipoga tömão quëwëmö mönö wënæ wënæ cædimämo adinque mönö imonte pönö tee mönete bai cæcä ongömompa. Mänömaï pönö cæcä ongongaimö inñomonte Wængongui mönö wede pönencabo adomonque inñomonte tömengä nänö angaincoo ante pönongä ænte ëwocamompa. Wængongui,

Mänömaï cæbopa, ante apænecä ëñëninque yewæmongadänimpa.

²³Doyedë inñömö mönö, Möitee wodi nänö wææ angainö tömänö ante mönö ædö cæte eyepæ cæquii, ante tee mönete bai wægämöimpa. Edæ Itota Codito mönö në wede pönënongå edonque pönï nänö ponte a ongonganca mönö tee mönete bai wægämöimpa. ²⁴Ininque, Minitö Codito ingante wede pönëninque në nö cæmini bacæminimpa, ante cædinque Wængongui Codito gämænö töö æmænte bai cædinque wææ angacäimpa. Mänömaï i ininque tömengä nänö wææ angainö beyænque mönö wapiticæ godämaï inte Codito gämænö pongämöimpa. ²⁵Ayæ nöwo inñömö, Mönö në wede pönënongå do pongäimpa, ante adinque Wængongui nöwo wæætë wææ änämaï ingampa.

²⁶Minitö Itota Codito ingante wede pönëmini inte tömämini Wængongui wëñämïni iminipa. ²⁷Edæ tömämini mönö Codito tönö godongämæ guite bai æpænë guidinque tömengä nänö ëwocadö adodö ëwocadinque tömengä nempo quëwëminipa. ²⁸Tömengä nempo adocabomö inñömö inte mönö adocanque ingantedö ante apænedinque, Oodeocä ingampa, ante änämaï ingäimpa. Ayæ wacä ingantedö ante adobai, Guidiego ingampa, ante änämaï ingäimpa. Ayæ, Waocä nänö në ö æningä inte awënë beyænque cæte në quëwengä ingampa, ante mönö änämaï ingäimpa. Wacä ingantedö ante, Abæ tawænte gocä ingampa, ante mönö änämaï ingäimpa. Ayæ adocanque ingantedö ante, Onguiñængä ingampa, ante mönö änämaï inte wacä ingantedö ante adobai edæ, Onquiyængä ingampa, ante änämaï ingäimpa. Inæmpa Codito Itota nempo quëwëninque adocabomö imompa. ²⁹Ayæ minitö inñömö Codito nempo quëwëmini inte mämmæ Abadäo wodi pæimïni bai iminipa. Ininque Wængongui nänö, Cöwë pönömo æncæminimpa, ante nänö angaincoo ante minitö në ænguimïni iminipa.

4 ¹Mäninö ante yewæmöninque botö, Waodäni æbänö cædänii, ante

odömöninque iïmaï ante apænecæte ante yewæmömopa. Wæmpocā wængā ate tōmengā wengā iïñomō wæmpocā nānō ēadincoo nē ænguingā ingampa. Iinque wæmpocā ayæ miingā quēwengāñedē mänincoo tōmancoo do ænte bai tōmengā wengā nē ēacā ingampa. Incæte tōmengā wengā tōmancoo nē ēacā incæ edæ tōmengā wēñængāñedē guiquēnē wæmpocā beyænque cæte nē quēwengā bai inongā ingampa. ²Iinque wæmpocā do āninque, Iïönæ iinque bayonte botō wengā do picængā badinque nāmā nē angā bacæcāimpa, ante nānō angaiönæ iinque baganca nē aadāni inānite wæmpocā angā ēñēninque tōmēnāni wæætē wēñængā ingante wææ aadānipa. Ayæ, Wēñængā nānō manguincoo ante æbānō cæquī, ante nē aadānique ānāni ēñente wēñængā incæ cæcampa.

³Mönō iïñomō doyedē māningā wēñængā bai adobai picæmō ināmaï mönō ingaiñedē inguipogaque nāni wææ angainonque ante ēñente cægāmōimpa. Waocā beyænque cæte nē quēwengā bai mönō adobai inguipogaque nāni wææ angainonque ante ēñencæte ante cædinque māninō beyænque cæte nē quēwēmō bai inte wægāmōimpa.

⁴Incæte Mæmpo Wængongui iïñomō, Iïönæ da pönōmo poncæcāimpa, ante doyedē nānō angaiönæ iinque bayonte tōmengā Wengā ingante da pönongā pongacāimpa. Iingā Wēñængā ingante onquiyængā mangā ēñadinque tōmengā Wængongui nānō wææ angainō ante nē ēñente cæquēnengā nānō baquinque pægacāimpa. ⁵Iinque mönō Möitee wodi nānō wææ angainō beyæ tee mönete bai wæyōmonte adocā Wængongui Wengā incæ, Minitō abæ tawænte bai picæmīni badinque nāwā wēmīni bate quēwencæmīnīmpa, ante mönō imonte ængā beyænque mönō abæ tawænte bai quēwēmompā. ⁶Mæmpo Wængongui iïñomō, Minitō nāwā wēmīni imīni beyæ, ante tōmengā Wengā Önōwoca ingante mönonga da pönongantapa. Iinque tōmengā

Önōwoca iïñomō, “Mæmpo, botō Wæmpo,” ante nē apænecā inongā inte mönō mimönē owodique adodō ante mönō beyæ apænecampa. ⁷Iinque bitō iïñomō bitō imite nē wææ angaingā beyænque idæwaa cæte quēwengāimi inte ñōwo abæ tawænte bai æmæwo pædīmi inte nāwā wēmi inōmi imīpa. Ayæ nāwā wēmi iïñomite Wængongui pönō cæcā ate bitō tōmengā nānō ēagaincoo ante nē ænguiimi babīpa.

**Nē pönēmīni æbāmē cæte
quēwēmīni, ante wæcampa**

⁸Wængonguiidi ināmaï iïñonānite wadāni iïñomō, Wængonguiidi inānipa, ante babæ apænedānipa. Minitō wēēñedē Wængongui ingante mīni adāmaï iñedē, Wængonguiidi, ante tōmēnāni babæ ante nāni nē ānōnāni beyænque cæte nē quēwēmīni inte ñæ cæyænte bai wægāmīnīmpa. ⁹Ñōwo iïñomō mīnitō Wængongui ingante ate bai nē pönēmīni imīni inte ædō cæte wapiticæ ante ēñēmīnīi. Æ wadō ante godōmenque āmo. Wængongui incæ mīnitō imīnite do ate pönengaingā ingā incæte mīnitō ædō cæte inguipogaque quēwēnāni nāni önonquedō ante wææ angainō ante ēñente quēwēmīnīi. Iñæmpa, Mānīne nāni wææ angainō ante wæætē ēñengæimpa, āninque mīni ñā cæpote wæquinque āmīni awædō. ¹⁰Edæ Wængongui ānāmaï iñongante mīnitō mā pönēninque, Wængongui beyæ, ante mönō iïönæ cædāmaï inte ongōninque ææmæ cæte becæimpa, ānewēmīnīpa. Ayæ, Ii apāicā iñonte adobai, iintedæ iñonte adobai, iinepo iñonte adobai, Wængongui beyæ, ante mönō cædāmaï inte ææmæ cæte becæimpa, ante önonque pōni ante cæmīnīpa tōō. ¹¹Iinque, Minitō ēñēnāmaï inte mīni wæquinque cæmīnīpa, ante adinque botō mīnitō beyæ ante guiñente wæbopa. Botō pönō nanguī cæbo incæte edæ önonque wabānō cægaboimpa, ante wæbopa. ¹²Botō tōniñamīni ēñedāni. Botō wēēñedē mīnitō bai Möitee wodi

nānō wææ angainō nē cæbo bai inte wæbo amīnitawo. Wæætē botō nē wææ angaingā ingante idæwaa ēñente cædinque abæ tawænte gobo bai mīnitō adobaī cæmīni waa tobaīmopa. Mīnitō dicæ botō imote wænæ wænæ cæmīnitawogaa. ¹³Wēñēñedē wænæ wænæ mānīmo inte botō mānōmaī beyæ mīnitō weca pōninque mōnō Codito ingantedō ante watapæ apænedinque mā apænebo ēñēmīnitapa. ¹⁴Īnīnque mānōmaī wænæ wænæ bate pōmo ate wædmīni incæte mīnitō guiñēñate wædāmaī inte towæ tānongadāmaī imīnitapa. Wæætē edæ botō imote adinque mīnitō, Wængonguī anquedo ingampa, ante pōnente bai cædinque watapæ todinque, Pōe, amīnitapa. Ayæ edæ, Itota Codito ingampa, ante pōnente bai cædinque, Pōe, amīnitapa. ¹⁵Mīnitō māniñedē watapæ mīni todinō bai ñōwo guiquēnē quimæ todāmaī imīnii. Mīnitō māniñedē edæ eyepæ inte bai nāmā awinca o togæmōninque botō imo pōnō mīne tīmoncædōmīnīmpa, ante pōñēninque apænebopa.

¹⁶Īñæmpa mīnitō imīnite nāwangā apænebo beyænque mīnitō ñōwo wæætē botō imote piinte bamīnitawo. ¹⁷Wadāni iñōmō, Mōnitō gāmænō ponte ēñēdāni, ante nanguī cædāni iñōmō mīnitō imīnite wænæ wænæ cæcæte ante ānewēnānīpa. Tōmēnāni iñōmō, Pabodoidi inānite ēñēnāmaī inte mīnitō wæætē mōnitō tōnō godongāmæ cædinque mōnitō cæinēnonque ante amōni ēñēninque cæcæmīnīmpa, ante babæ cædānīpa.

¹⁸Wacā nānō cæinēnō ante godongāmæ cæmīni cōwē waa imaimpa. Nāwangā impa. Incæte tōmengā nānō waa cæquēnēnonque ante cæcā adinque mīnitō, Mānīnonque edæ cæcæimpa, ante nanguī cæquēnēmīni imīnīpa. Ayæ edæ botō mīnitō weca quēwēmoyedē cæmīni bai mīnitō botō dæ āmo iñedē cōwē adobaī cæmīni waa imaimpa. ¹⁹Botō wēmīni ēñēdāni. Yædēmadā inte nantate wædā bai botō iñōmō wæætē nantate wædinque edæ, Mīnitō

mīmōnē Codito ingante ædæmō entawencæmīnīmpa, ante nanguī pōni cædinque wæbopa. ²⁰Edæ, Mīnitō æbāmē cæmīnii, ante ēñēnāmaī imo inte botō mīnitō weca pōninque wīi gobæ tedete botō ānō bai tededinque wæætē wadō bai tedecæte ante pōinente nanguī wæbopa.

**Tada wodi tōnō tōmēnā
inante nē cægaingā Agada**

²¹Mīnitō, Mōitee wodi nānō wææ angainō ante mōnō ēñengæimpa, ante nē amīni inte apænēmīni ēñēmoedāni. Mīnitō wææ ante tōmengā nānō yewæmongainta incæ adāmaī inte ēñēnāmaī imīnitawo. ²²Īmaī ante yewæmongatimpa. Abadāo wodi iñōmō wēñæna onguiñæna mēnaa inate tapæigacāimpa. Adocanque guiquēnē nānōogængā beyænque nē cæte quēwengā wēñængā iñongā wacā guiquēnē nāwā nānōogængā wēñængā ingacāimpa. ²³Nē cæte quēwengā wēñængā guiquēnē cōwē mōnō ēñadō bai adobaī ōnonque ēñagacāimpa. Nāwā nānōogængā wēñængā guiquēnē Wængonguī, Cōwē pōnōmo æncæbiimpa, ante nānō āninō beyænque ēñagacāimpa.

²⁴Wængonguī iñōmō, Botō pōnō cæbo ate mīnitō Ao amīni ininque mōnō godongāmæ waa cæcæimpa, ante mempoga apænegacāimpa. Īnīnque, Wængonguī mēnea nānō apænegainō æbānō ineī, ante ēñencæte ante mōnō mānīna onquiyæna inate adinque pōnengæimpa. Wængonguī iñōmō adopoque apæneceate ante Tīnaiquidi wæænte ongōninque wææ angacāimpa. Mānīneque tōmengā nānō wææ angaineque ante nē ēñente cædāni iñōmō Agada wodi wēnāni mānīne beyænque nē cæte quēwēnāni bai nāni baquinque ēñadānīpa. ²⁵Māningā Agada tōmengā nāni wencabo iñōmō wacā ingante nē cædōnāni inte cæningā ñā cæyænte bai inte wægadānīpa. Īnīnque Adabiabæ ongonquidi Tīnaiquidi ongōninque Wængonguī wææ angā ate mōnō iñōmō Agada bai wacā ingante

nē cæmō bagamōimpa. Edæ Agada wodi nāni wencabo wacā beyænque nē cæte quēwēnāni inte nāni wægainō bai nōwo Eedotadēē quēwēnāni adobai wacā beyænque nē cæte quēwēnāni bai inōnāni inte wæwente quēwēnānipa. ²⁶Eedotadēē inguipoga ongōñomō bai mōnō ōonædē æite Eedotadēē bai iñōmō ongongæimpa. Māniñōmō Eedotadēē nāni āñōmō mōnō badā Tada wodi bai impa. Tada iñōmō wīi wacā ingante nē cæcā bai iñōnante mōnō tōmēnā wēmō bai imomba. ²⁷Edæ iīmai ante Wængonguī beyæ yewæmongatimpa,

“Bitō owæntabi ēñēmi. Wēñæ mǎnāmai iñimi inte bitō, iīncayæ ate mancæboimpa, ante watapæ tocæbiimpa.

Bitō wēñæ nantadāmai iñimi inte, Botō iīncayæ ate toquinque impa, ante yedæ ancæbiimpa.

Edæ nānōogængā ěmō cæte gocā ate adocanque inte wēñæ mǎnāmai iñongante,

Wængonguī, Botō pōnōmo æncæbiimpa, angā ēñengā inte owæmpocā iñōmō godōmenque nanguī wēñæñāni inānite māñongā nānōogængā ěacā guiquēnē wēñæñāni wædænque mancæcāimpa,” ante yewæmongatimpa.

²⁸Botō tōniñamīni, ēñēedāni.

Wængonguī, Bitō wēñængā cōwē pōnōmo æncæbiimpa, ante nānō angaiñō beyænque Itæca wodi ēñagacāimpa.

Wængonguī, Cōwē cæcæboimpa, ante mīnitō iñinite adobai angā beyænque mīnitō mempoga ēñadinque tōmengā wēmīni bagamīnipa. ²⁹Māniñēdē iñōmō Wængonguī Ōnōwoca beyænque ēñacā iñongante Itæca ingante ōnonque nē ēñagaingā Itīmædo guiquēnē piinte cægacāimpa. Mānōmai nānō piinte cægāi bai inguipogaque quēwēnāni Wængonguī wēnāni inānite nōwo adobai cædānipa. ³⁰Iñinque Wængonguī æbānō angā ēñente yewæmongadāni. Iīmai impa. “Nāwā nānōogængā wēñængā mæmpocā ěadincōo æñongā

nānōogængā beyænque cæte nē quēwengā wēñængā wæætē ānāmai incæcāimpa. Iñinque nē cæte quēwengā nāna wencaya inate mōnō wido cæcæimpa.” Ante yewæmongatimpa.

³¹Iñinque botō tōniñamīni ēñēedāni.

Mōnō iñōmō nāwā nānōogængā wēñæmō bai inōmō inte mōnō nānōogængā beyænque nē cæte quēwengā wēñæmō bai wīi inōmō imomba, ante āmo ēñēedāni.

Abæ tawænte bai mōnō quēwēnō ante

5 ¹Mōnō iīne Mōitee wodi nānō wææ angaiñō ante ēñente nē cæmō inte nā cæyænte bai wæyōmonte Codito, Abæ tawænte bai inte quēwencæmīnipa, ante pōnō ō ænte nīmpo cæcā beyænque mōnō abæ tawænte gote bai ee quēwēmō imomba. Iñinque mīnitō iñōmō nē abæ tawænte gogaimīni inte tæi ongōninque edæ wæætē mǎnīne beyænque nā cæyænte bai badāmai iedāni.

²Iñānāni, botō Pabodobo apænebo ēñenguēnē quēwēmīni. Mīnitō, Mōnō ěō togæimō inte quēwengæimpa, ante cæmīni iñinque ædō cæte Codito ængā beyænque quēwenguēnēmīni. Iñæmpa mǎnōmai cæmīni iñinque Codito mīnitō beyæ ædō cæte pōnō cæquingā. ³Bitō, Botō ěō togæimo inte quēwencæboimpa, ante cæbitawo. Edæ botō bitō imite iīmai ante apænebo ēñē. Bitō quēwencæte ante cædinque ěō togæimi babi iñinque Mōitee wodi nānō wææ angaiñō tōmānō ante bitō ēñente cæte quēwenguēnēmi babaīmipa tōō. ⁴Pancamīniya, Nō cæmō mōnō baquinque Mōitee wodi nānō wææ angaiñō ante ēñente cæcæimpa, ante āmīnitawo. Iñæmpa mǎnōmai ante nē āmīni inte mīnitō mōnō Codito ingante do pango cæte bai cæmīnipa tōō. Edæ pango cæte nānēnē goyōmīnite tōmengā ædō cæte pōnō waadete cæquingā.

⁵Mōnitō guiquēnē, Wængonguī ayongā mōnō nē nō entawēmō bacæmōimpa, ante nanguī pōni æinente wānō cōñōmōnte Wængonguī Ōnōwoca pōnō apænecā ēñēninque mōnitō, Mōnō nē nō

entawēmō badinque watapæ bacæimpa, ante wede pönēmōnīpa. ⁶Edæ Codito Itota nempo quëwëninque ëō togæimō imō incæ bagæmō imō incæ tōmāmō adobaī önōmonque inōmō imōmpa. Wæætē edæ Codito ingante wede pönëninque nē waadete pönēmō inōmō mäninō mönō pönënō beyænque waa pōnī entawēmōmpa.

⁷Mīnitō guiquënë wëenëñedē godongāmæ pogodo gote bai nanguī cædinque waa cæmīnitapa. Edæ nōwo guiquënë mīnitō waa pōnī pogodo gote bai cæyōmīni æcāmē wææ āna ëñënimīni inte wæætē Wængonguī nō ante nānō apænegaīnō ante ëñënamāi cæmīnitawo. ⁸Wængonguī mīnitō imīnite nē aa pegaingā inte tōmengā inōmō edæ, Ëñënamāi cædāni, ante dīcæ wææ angantawogaa. ⁹Edæ, “Yedæ æmpocæimpa, ante cædinque guiyā pōnī da wente ate pāō cæquīmo tōmāō guipæñō pāō yedæ æmpopa,” ante pönëninque iīmaī ante ëñengæimpa. Adocanque wapiticæ wææ angā ëñëninque nanguī ināni wæætē oda cæte wæcædānīmpa. ¹⁰Mönō Awënë nempo mönō quëwencabo imōmpa, ante pönëninque botō, Mīnitō botō pönënō bai pönëmīni inte wīī wapiticæ ante pönenguimīni imīnīpa, ante pönēmōpa. Wæætē edæ æcāmenque mīnitō imīnite wapiticæ ante wææ angāā, ante adinque Wængonguī nē apænte angā ingante cōwē godō pangā wæcæcæimpa.

¹¹Botō tōniñamīni ëñëedāni. Botō Itota awāa wængacæimpa, ante apænëbo ëñëninque, Ëō togæimīni baedāni, ante nē ānāni inōmō botō imote cōwē pīinīnque pānāni wæbo aedāni. Incæte botō tōmënāni nāni ānō bai, Ëō togæimīni baedāni, ante āmo bai tōmënāni botō imote wīī bæi ongōnīnque pancædōnānīmpa. Edæ mänōmainō āmo bai tōmënāni wæætē pīināmaī ināni inte, Pabodo Itota nānō wængaiwæ ante apænecā awædō, ante tee tēwate bai oda cædāmaī incædōnānīmpa. ¹²Mīnitō imīnite nē wapiticæ ante wææ ānāni inōmō nāmā

wido togænte bai cædinque nāmā ta ñænte Codito ingante nē pönëmīni weca pönāmaī ināni inte waa imaimpa, ante awædō.

¹³Mīnitō botō tōniñamīni abæ tawænte gote quëwencæmīnīmpa, ante mönō Awënë mīnitō imīnite apænte aa pegacæimpa. Incæte mīnitō, Abæ tawænte godimōni inte inguipogaque möni cæinënō ante godōmenque cæcæmīnīmpa, ante cædāmaī iedāni. Wæætē edæ wadāni inānīte godō waadete pönëninque tōmënāni beyæ ante cædāni. ¹⁴Edæ Itota, “Nāmā bitō waadete pönënō bai pönëninque bitō wacā ingante adobaī edæ waadete pönencæbiīmpa,” angacæimpa. Ìine adodeque ëñente cæmō inīnque Wængonguī nānō wææ angaiñō incæ tōmānō ante do nē cæmō edæ babaiīmpa. ¹⁵Edæ babæidi bai nāëmæ pocænte bai cædinque nāëmæ gāwæi cænte bai cæmīni bai mīnitō nāëmæ wido cædinque wantæ biquëñëmīnidō anguënë, ante apa quëwëmīni.

**Mönō Wængonguī Öñowoca
nempo quëwengæimpa, ante**

¹⁶Nōwo āmo ëñëedāni. Wængonguī Öñowoca ëwocadinque quëwëedāni. Mānōmaī quëwëninque mīnitō inguipogaque mīni cæinëwënō ante wīī ëñëninque nāmā beyænque ante cædāmaī inguimīni imīnīpa. ¹⁷Edæ inguipogaque mönō cæinëwënō ante adinque Wængonguī Öñowoca inōmō edæ Baa angampa. Ayæ wæætē æcānō inguipogaque mönō cæinëwënō ante cæte quëwëna tōmengā Wængonguī Öñowoca ingante nāëmæ Baa angampa. Inīnque mönō inguipogaque cæinëwënō ante wæyōmō Wængonguī Öñowoca guiquënë, Wadō cædāni, angampa. Mānōmaī beyæ mīnitō mīmōnē wæætēdō wæætē ante bai entawëmīni inte mīnitō nāmā mīni ānō ante ædō cæte cæquimīnīi. ¹⁸Incæte mīnitō imīnite Wængonguī Öñowoca nōinō tōō æmænte māocā gomīni inte mīnitō Möitee wodi nānō wææ angaiñō ante do abæ tawænte gomīni imīnīpa.

¹⁹Inguipogaque mönō cæinēwēnō ante ēñēnīnque nē cædāni iñōmō æbāno cædānii, ante edonque abaimpa. Edæ iīmaī impa. Tömēnāni nānōogængä iñāmaī iñongante do godō guëa towēnānīpa. Wentamō pōnēwēnīnque cædānīpa. Ōnonque guiñēñadāmaī inte nāmā baonque pōnēwēnīnque towēnānīpa. ²⁰Wængonguiīdi inānīpa, ante badōnīnque ædæ wæænte waa adānīpa. Idō baī yewæinīnque ōnonque tedewēnānīpa. Piīnte quēwēnānīpa. Tiyæñō tiyæ tedewēnānīpa. Wacā godōmenque ængä ate wædinque piīnte awēnānīpa. Ænguī bawēnānīpa. Nāmā waa tobote, ante ānewēnānīpa. Wæætedō wæætē ānīnque nāwæ godānīpa. Wadō ante nāni cabo wadō ante nāni cabo badīnque wæætedō wæætē cædānīpa. ²¹Wacā gomonga ængä ingante godō piīnte adānīpa. Tī nāmā nanguī bedīnque dowænte badānīpa. Ayæ nanguī pōnī godōmenque bedīnque nanguī pōnī cæinīnque guiñēñadāmaī inte towēnānīpa. Ayæ godōmenque quiēmē baī nē cæināni inānīpa. Mānōmaī cæte quēwēnāni iñōmō Wængonguī Awēnē Odeye nempo ædō cæte edæ guiquinānī, ante do botō ānīnō baī nōwo wæætē āmo ēñēedāni.

²²Wængonguī Ōnōwoca ingante ēñente nē cæmō guiquēnē mönō waincawæ incate baī iīmaī cæmompa. Waadete pōnēmompa. Watapæ tomompa. Gänē entawente pōnēmompa. Ee cæte piīnāmaī iompa. Waadete cæmompa. Wadāni beyæ ante waa pōnī cæmompa. Wæntædāmaī inte cōwē cæmompa. ²³Gänē pōnēnīnque ædæmō cæmompa. Nāmā wææ ānīnque nō cæmō iompa. Wængonguī Ōnōwoca ingante ēñēnīnque mānōmaī cæmō adīnque Wængonguī mönō cædōnō ante wææ ānāmaī ingampa. ²⁴Mönō Codito quīmō iñōmō inte mönō baō tōmengä tönō awænēmæ timpote baī wængaimō iñinque inguipogaque mönō cæinēwengainō adobaī awæ timpote baī iñonte mönō abæ tawænte baī godīmo inte baonque ante mönō cæinēwēnō ante ēñēnāmaī

inte cæmompa. ²⁵Edæ Wængonguī Ōnōwoca ængä beyænque quēwēmō inte mönō tōmengä Ōnōwoca tönō guëa godongāmæ cægonte baī quēwengæimpa. ²⁶Mānōmaī quēwēnīnque mönō nāmā waa adāmaī ingæimpa. Edæ wacā tönō guëa wæætedō wæætē ānāmaī ingæimpa. Wacā gomonga ængä ingante mönō godō piīnte adāmaī ingæimpa.

**Mönō wacā ingä wacā ingä
iñacabo cæcæimpa, ante**

6 ¹Botō tōniñamīni ēñēedāni. Wacā ēñēnāmaī cædinque oda cæte wæcantawo. Iñinque mīnitō Wængonguī Ōnōwoca ingante mīni ewocacabo iñōmō, Māningä nē oda cædingä inte Wængonguī taadonque adodō pō gocæcæimpa, ante cædinque tōmengä ingante ædæmō cædāni. Mānōmaī cædinque nē apæneçä guiquēnē, Botō adobaī ēñēnāmaī cæinente wiī bacæboimpa, ante pōnente wædinque nāmā wææ cædāni. ²Wacā teēmente mongænte baī entawengä ate wædinque mīnitō mönō Codito nānō, Iīmaī cædāni, angainō ēñente cædinque tōmengä nānō mongæncōo iñacabo mongænte baī cædinque waa cædāni.

³Æcānō ōnonganque iñā inte, Botō ñænæmo iñōmo iompa, ante pōnēna, tōmengä iñōmō nāmā babæ apænete baī oda cæte pōnengampa. ⁴Iñinque adocanque nāmā nānō cæinō cōwā adīnque adocanque nāmā nānō cæinō cōwā adīnque tōmāmīni, Tömēmo æbānō cæboo, ante nāmā apænte anguēñēmīni iñinīpa. Mānōmaī cædinque wacā nānō cæinō adāmaī inte waocā nāmā nānō cæinonque cōwā adīnque apænte ānīnque, Tömēmo nō cæbo iompa, ante adīnque tobaingampa. ⁵Edæ adocanque nāmā nānō cæquēnēnō ante teēmente mongænte baī cædinque adocanque nāmā nānō cæquēnēnō ante teēmente mongænte baī cædinque tōmāmīni eyepæ cæbaīmīnīpa.

⁶Ayæ Wængonguī nānō apænedō ante wacā apæneçä ēñēnīnque nē ēñengä iñōmō tōmengä māincōo pancacooga

waincooga æninque nè apænecā ingante eyepæ pædæ godongā æncæcāimpa.

⁷Tömëmö tā bocate pæte incayö waocā wäänä adomö bai tā pete ængampa. Mänömai ingæimpa, ante nè angaingā inte Wængongui iñæmpa oda cæcampa diyæ waocā wamö ænguingää. Ìninqe, Waocā æbänö cæcää, ante adinqe Wængongui pönö cæcā ate waocā nänö cægaï bai adobai ænte wæcæcāimpa. Åmo ëñëninque mïnitö wïi wacā wapiticæ nänö apænedö beyæ oda cæquënëminidö anguënë. ⁸Edæ minte pædimö bai tā pete ængā bai cædinque ìmæcaque ante nāmā pönente nè cæcā guiquënë adobai ìmæcaque nänö ñömænguinque æncæcāimpa. Wæætë Wængongui Ònöwocaque ante pönëninque nè cæcā guiquënë Wængongui Ònöwoca pönö cæcā beyænque tömengä nänö cöwë wænāmai quëwenguinque æncæcāimpa. ⁹Ìninqe mönö wæntæye badāmai inte wadāni beyæ godömenque waa cæcæimpa. Ñimpo cædāmai ìmö ìninqe edæ Wængongui, Ìñedë æncæminimpa, ante nänö angaiñedë iinque bayonte māniñedë mönö edæ tā pete bai eyepæ pönï æmaïmompā. ¹⁰Mänömai beyæ mönö eyepæ ìmö ìñedë tömānāni ìnānite mönö waa cæcæimpa. Ayæ wadāni nè wede pönënanī ìñönānite mönö, Adomö ìmompā, ante pönëninque tömënanī ìnānite godömenque nangui cædinque waa cæcæimpa.

Waa quëwencæminimpa, ante

¹¹Botö önopoca yewæmöninque tömëmö ñænæmömö yewæmömöi aedāni. ¹²Codito mönö beyæ awāa wængacāimpa, ante nè pönënanī incæ pancadāniya, Māñine ante ëñëninque oodeoidi pïñāni wæcæ wæ, ante nāmā wææ cæcæte ante cædānipā. Ìninqe tömënanī, Ëö togænte cæmöni ìninqe oodeoidi wæætë mönitö ìmönite waa acædānipā, ante cædinque mïnitö

ìmïnite, Ëö togæimïni bacæminimpa, änānipā. ¹³Në ëö togæināni incæ edæ Wængongui nänö wææ angainö ante dicæ ëñente cædāniyaa. Incæte tömënanī, Mönitö änö bai mïnitö do ëö togæimïni bamïni ate wadāni mönitö ìmönite waa acædānipā, ante cædinque mïnitö ìmïnite, Ëö togæimïni baedāni, ante cædānipā.

¹⁴Botö guiquënë quëmenque ante, Waa aedāni, ante dicæ åmogaa. Ìñæmpa ìmæcaque ante botö cæinëmāmo ante botö, Codito nänö wængaiwāa tente bai wæinëmāmo ìmpā, ante bai cædinque edæ mānimāmo ante æmæwo wido cætabopā. Ayæ tömëmö adobai Codito tönö åanque bai awāa wænte bai ingaïmo inte edæ ìmæcaque botö cæinënö ante cædāmai ìnömo ìmopā. Ìninqe, Mönö Awënë Itota Codito awāa wæninque mönö beyæ waa pönï pönö cægacāimpa, ante pönente wædinque botö māniwænque tömengä nänö wængaiwænque ante waa ate apænëdinque edæ wade ante cöwë waa ate tededāmai incæboimpā, åmopā. ¹⁵Ìninqe ëö togæimö incæ bagāamö incæ önonque pönï edæ ìmpā. Edæ Itota Codito badongä beyænque mönö mïimö quëwëmompā. ¹⁶Mänömainö ante pönente cæmïni ìñöminite Wængongui pönö waadete piyænë cæcā adinqe mïnitö gänë pönente waa cæcæminimpa. Idægoidi ìminipā, ante Wængongui nè nänö angaiimïni incæ mïnitö mænömai cæte quëwencæminimpa.

¹⁷Botö Itota beyæ ante cæyömö wadāni pānāni wædimö inte botö do baonga åmogate ee ëñabo ìñömote ñöwo iincayæ ate mïnitö tömāmïni edæ ee amïni quëwëmoedāni. ¹⁸Botö tönïñamïni waa quëwencæminimpa, åmopā. Mönö Awënë Itota Codito pönö waadete apænecā ëñëninque mïnitö mïmönë adobai waadete entawencæminimpa. Māninque ante yewæmömopā, ante Amëë åmopā.